

LEFAPHA LA THUTO LA GAUTENG
TLHATLHOBO YA MAKGAOLAKGANG

OCTOBER / NOVEMBER 2005
OKTOBER / NOVEMBER 2005

SETSWANA PUO YA NTLHA
SEEMOGARE
(Pampiri ya Bobedi)

NAKO: Diura tse 2

MADUO: 75

DITAOLO:

- Pampiri e, e arogantswe ka dikarolo tse tharo, A, B le C.
 - Mo potso 1 go dinopolo tse NNE tse o di filweng; araba tse PEDI fela.
 - Fa o arabile dipotso tse dikhutshwane mo go karolo B, araba ya tlhano mo go karolo C **kgotsa** fa o arabile potso ya tlhano mo go karolo B, araba dipotso tse dikhutshwane mo go karolo C.
-
-

KAROLO YA A
MABOKO

POTSO 1

Selelo sa mmoki – C.D. Mogotsi

Go dinopolo tse NNE araba tse PEDI fela.

1.1 Buisa temana e e latelang mme o arabe dipotso tse di latelang:

Molekane	
Ke ne ka italetsa jaaka Tlhoi, Ka duduetsa, ke betsanya makala: A kgosikgolo le mohumagadi ba gole	3
Mme lefoko la bone le agelwe mosako, Mantswe a bone a e nne thuto fa gare ga balatedi Go isa losika lo lo diphofa Lo ikemela ka bo-lone.	6
Lo segofetse, lona bana ba loapi; Ga go yo o tla tshwanang le lona Fa a sa lo galaletse.	9

- 1.1.1 Neela leina la sekapuo mo mola 1. (1)
- 1.1.2 Tlhalosa mola 4 ka mafoko a gago. (2)
- 1.1.3 Ka bana ba loapi mmoki o raya eng? (½)

- 1.1.4 Ke sekapuo sefe se se renang mo ditemaneng tse? (1)
- 1.1.5 Neela lebaka la karabo ya gago mo 1.1.4. (2)
- 1.1.6 Go ya ka setlhogo sa leboko, thapelo ya mmoki e lopa eng? (2)
- 1.1.7 Fa o akanya mmoki o na le pelo e e ntseng jang? Tshegetsa karabo ya gago. (2)

2x2=(4)
[12½]

1.2 Buisa temana, mme o arabe dipotso tse di latelang:

Nna nonyane ke a lela	
Mosimane, o tlhoka eng Go tsogela losika lwa me kgatlhanong? Puo ya gago nka e tlhaloganya Fa o ka e lobalatsa.	3
Maabane le tlhabile O akga setengwane, O gopotse sika lwa me, Mme wa metsametsa mathe.	6
Nna Setengwane le seditse Ke a di ila; Ke Sefapaano Morena A kile a se rwala.	9 12

- 1.2.1 Ke losika lofe lo go buiwang ka lona mo lebokong le? (2)
- 1.2.2 Tlhalosa mola 4. (2)
- 1.2.3 Setengwane ke eng? (2)
- 1.2.4 Ke ka ntlha ya eng fa mmoki a ila setengwane le seditse? (2)
- 1.2.5 Ke eng fa mosimane a metsametsa mathe fa a gopotse sika lo? (2)
- 1.2.6 Nopola o bo o neele leina la sekapuo se se dirisitsweng mo moleng 11. (2)
- 1.2.7 Bana ba nonyane ba bidiwa eng? (½)

[12½]

1.3 Buisa temana tse di latelang, mme o arabe dipotso tse di latelang:

Batlase, lo njetse kgomo	
Matlatlola a pagoblang segodimo lo tsenwe ke'ng? Lo reng lo a bo lo tghanasela? <u>A ke lo tihaelwa ke manno</u>	3
Fa e bile lo a bo lo re kgoreletsa mo tirong? Nnang fatshe, Batlase, se re emeleng ka dinao.	
A lo utlwile ka mokgosi gore kgomo e ole? A ditlhare tse di tota di na le melomo? Fa di ka fela lefatshe le lone le fedile.	6
Mafoko ke nnete a lo fitlheletse, Mme tsa baji, dipelo, a di gotola.	9

- 1.3.1 Tlhalosa ka mafoko a gago se mmoki a se kgalemang mo temaneng ya ntlha. (2)
- 1.3.2 Neela ponagalo ya poko mo mola 1. (2)
- 1.3.3 Nopola ponagalo eo ya poko e o e neileng mo go 1.3.2. (½)
- 1.3.4 Neela letshwao la poko le le fitlhelwang no moleng 3 le 4, o bo o le nopole? (2)
- 1.3.5 Mmoki o kaya eng fa a re kgomo e ole mola 6? (2)
- 1.3.6 Go ema ka dinao ga Batlase go ama mmoki jang? (2)
- 1.3.7 Tlhalosa mola o o thaletsweng. (2)
- [12½]**

1.4 Buisa temana e e latelang, mme o arabe dipotso tse di latelang:

Medupe	
Lefatshe ya bo e le bogologolo le lela, Le gopotse thatswapelo, metsi a a tsiditsana; Le goa ka selelo se se botlhokotlhoko pelong;	3
Phologolo e o bile tlhogo tlase ga setlhare. Mogote o tlhaga, diphalane tsa bonala; Bolelo jaanong jwa tlhatloga, dipelo tsa nyemetlhana. Puo lefatsheng ya kgala, mme badumedi ba tia tumelong;	6
Mme ba goa ka mantswe a thathasela, Ba kopa boitshwarelo go badimo Gore lefatshe le bolokege.	9

- 1.4.1 Neela sekapuo se se dirisitsweng mo mola 1. (1)
- 1.4.2 Tlhalosa sekapuo se o se fileng mo go 1.4.1. (2)
- 1.4.3 Lefatshe le ledisiwa ke eng? (2)

- 1.4.4 Neela letshwao la poko le le fitlhelwang mo meleng 2 le 3. (½)
1.4.5 Lefatshe le aparetswe ke eng go ya ka temana? (2)
1.4.6 Tlhalosa gore ke eng se se dirang gore dipelo di nyemethane? (1)
1.4.7 Go tia tumelong ke go dira eng? (2)
1.4.8 Tlhalosa go oba tlhogo. (2)

[12½]

MADUO A KAROLO YA A: [25]

**KAROLO YA B
TERAMA**

POTSO 2

Ela tlhoko: Fa o araba 2.1, o tshwanetse wa tlhopha 3.2 mo go Karolo C
Fa o araba 2.2, o tshwanetse wa tlhopha 3.1 mo go Karolo C.

Dintshontsho tsa lorato – L.D. Raditladi

Araba potso 2.1 kgotsa 2.2.

2.1 Buisa temana e e latelang ka kelotlhoko mme o arabe dipotso tse di latelang:

(Kwa thoko)
Nakana tsoorra a di tla ntatla?
Le medi e mentsho ya leswalo
Le ngaka ya rona a e tla ntatla?
Ke kile ka bo ke lepa dilo,
Ke lepa le dinaledi tota,
Ke tsoge ke bolelela batho
Fa tshelo jwa rona bo le thata
Ka ntata ya go thoka meratho.
Ngaka goroga re tle re tshege,
Melemo ya gago e tle e dirwe,
Kalafi a tshabe jaaka phage,
Botshelo jwa gwe bo tle bo sirwe!
Le legadima le tla tsekema,
Le legodimo le tla ntshofala
Fa ngaka e ka dira ga lolama,
Bannara ba kabamela tsela.
(O a tswa)

- 2.1.1 Mmui wa mafoko a ke mang? (1)
2.1.2 Mmui o bua le mang? (1)
2.1.3 Ke tiragalo efe e e tlisitseng go buiwa ga mafoko a? Tlhalosa ka dintlha di le THARO. 2x3=(6)
2.1.4 Morafe o ne wa tsaya tshwetso efe malebana le tiragalo e? (2)

- 2.1.5 Kalafi o ne a le kwa kae fa go buiwa mafoko a? (1)
- 2.1.6 O ne a ile go dira eng kwa o go kaileng mo go 2.1.5? (2)
- 2.1.7 Naya tlhaloso ya dipolelo tse di latelang:
- (a) Go lepa dilo. (2)
- (b) Go tshega (mola 8.) (2)
- 2.1.8 Ke dilo dife di le THARO tse mmui a eletsang gore ngaka e mo direle tsona? 2x3=(6)
- 2.1.9 Ke ka ntlha ya eng fa mmui a ne a ila Kalafi mo go kana? (2)
- [25]**

KGOTSA

- 2.2 Re lebile ditiragalo tsa terama e, go bonala fa Sakoma e le ena motlhodi wa dintsho tse. Neela ditiragalo tsa terama e, o bontshe go lomagana ga dintlha go fitlhelela kwa dintshong tse. Kwala tlhamo e e sa feteng tsebe le halofo.

MADUO A KAROLO YA B: [25]

KAROLO YA C PADI

POTSO 3

- Ela tlhoko: Fa o arabile 2.1 mo go Karolo B, o tshwanetse go araba 3.2.
Fa o arabile 2.2 mo go Karolo B, o tshwanetse go araba 3.1

Masaikategang a magodimo – J.M.K. Mekgwe

Araba potso 3.1 Kgotsa 3.2

- 3.1 Buisa nopollo e e latelang mme o arabe dipotso tse di latelang:

Ya sala e le kanyana fa fatshe, tshwene. Motho a fosa a ba a batlaa tlhoma ka nko moseja ole. Ya re a re o tla re ke gorigile gape, ya bo e setse e ipekapekantse nae. Seatla sa moja sa tlhāba mo seperuperung, motho a menagana jaaka thipa ya mokopelo. Seatla sa molema sa rēma kgodukgotshwane, motho a re mma-ijoo.

Lengole la kitla mo pakeng tsa matlho, motho a re sitlha, thipa ya rē tenke. A mo ja ka maseka a ntse a lora.

A fitlha a kablolwa ke bammadisefe. Ba biditswe ke mang, leng, go se ope yo o kgatlhegelang go itse. A ipega le merwalo ya gagwe e mebedi, o a tsileng nao, le o a ikimisitseng ka ona mo setešeneng. Ba e olela yoobedi, ba lēba nae kwa kantorong gore a ye go ipega mo go molaodi.

- 3.1.1 Tshwene ke mang go ya ka nopollo e? (1)
- 3.1.2 Magwaragwara a mabedi a ne a mo setse morago go tloga kae? (2)
- 3.1.3 Ke eng se se neng se ba gakgamaditse? (2)
- 3.1.4 Neela maina a baanelwa bao. (2)

SETSWANA PUO YA NTLHA SEEMOGARE (Pampiri ya Bobedi)	117-2/2 K	7
--	------------------	----------

- 3.1.5 Ba ne ba ithaya gore o leka go dira eng fa terena e ema kwa Ditsobotla? (2)
- 3.1.6 Ke ka ntlha ya eng ba ne ba mo setse morago? (2)
- 3.1.7 Neela dilo di le PEDI tse batho ba ba neng ba mo setse morago ba neng ba itsege ka tsona. (4)
- 3.1.8 Khuduga o bontshitse maitseo afe mo tirong ya gagwe? (2)
- 3.1.9 Ke eng se se gakgamaditseng Rre Masisi? (2)
- 3.1.10 Morago ga nako e khutshwane Khuduga o ne a bona eng kwa tirong? (2)
- 3.1.11 Ka mela e MEBEDI neela semelo sa ga Khuduga 2x2=(4)
[25]

KGOTSA

- 3.2 Seabe sa ga Khuduga se a tlhela mo go otololeng Maisakategang a Magodimo. Dumela ka ditiragalo go tswa mo pading e, mme o kwale tlhamo e e sa feteng tsebe le halofo.

MADUO A KAROLO YA C: [25]

PALOGOTLHE: 75